

世敬堂集

煙嶼樓藏本



上 集





世敬堂集目錄

卷一

賦四首

大駕南巡賦

西墅賦

秀野樓賦

少谷賦

五言古詩八首

棲林草堂贈朱鍊師

四亭為王子維垣作

二美行





春風行三首

古意

和顧東橋

七言古詩十五首

題孫伯泉菊花圖聯句三十韻

濱江行為何水曹賦

丹桂行壽侯山學士

把劍歌即席贈彭小湖

大鶴山吟

丹谷歌贈少谷尊人

題少峰圖兼贈別少峰旗峯子

畫菊吟謝孫伯泉手筆見惠

題崑崙圖

沃州歌

雲川歌贈高侍御

遠別離

東山草堂歌

明珠行贈三洲

海廟同任給事毛京兆徐使君

五言律詩二十七首

牛首山五首

靈應觀



省中秋日

觀音寺扶侍東歸愴別

南麓山人

花朝對月

贈葛東隱士

永明寺月池贈曉亭上人

鑑湖齋中

吳門同陳海樵項少岳夜話三首

登太白樓

夜坐

劉亟山見邀泛湖

出京

初歸西湖志喜

獻花岩

贈林少峯明府北上

鑑湖

和張餘峯韻

秋日酬吳山泉寄惠二首

五言排律七首

西虹為司馬即守題

秋日泉亭對月

南嶺贈方明府



送南司業王禕川

贈華峯秦太史奉冊徽藩便道歸謁白岩宮諭  
贈湛塘侍御

東寺同趙侶齋

卷二

七言律詩四十六首

初春遊天界寺示斌上人

登菊花臺

宴鳳臺徐氏亭

春日登報恩塔

題東峰茅齋

劉平嵩招遊靈谷不赴和答

登鷄鳴山塔次韻

金澤寺

陳鳴楚遊金陵見過有約

天壽山

駕幸九龍池

九日登萬歲山

題節山示宗姪岩

洪氏山亭

同吳海峯遊天平山天池三首

省中黃鸝結巢林木喜賦



賜宴千秋節

得陽董太史覲親還吳興

雲泉吳宮度視篆留院

見槐堂詩

憲使張鄖西奏績南還兼壽太夫人七秩

送羅雙浦之任金陵

送熊東川憲副之閩中

贈凌學正

湖南書院讌集

雪中同劉使君訪少泉別業主人以詩見慰和答

別翟青石

寒亭驛

干佛山宴集

贈弥陀寺隱山

東鎮廟次喬白岩韻

鳳城春日二首

登天寧閣

白蓮禁體

懷留都同曹諸子

行宮

上陵從祀

邵子園亭二首



夜過朱子元寓宴

秋日馬上望西山口占

答友

大佛山九日

七言排律一首

大明湖十四韻

五言絕句十八首

再宴五泉亭

泉上夜坐四首

沽頭官舍用壁間韻

西湖曲十二首

七言絕句二首

題武陵源

少岳發舟遂阻惠山之興

六言絕句二首

贈李生敦臨二首

疏五首

正祈穀祀典疏

恤農業疏

築外城疏

被劾乞休疏

修河漕疏



頌一首

天子萬壽頌

表二首

重城工完賀表

賀皇孫生表

卷三

序二十一首

三史文類序

仙源遺慶譜序

叙嶺南五先生集

南宮奏議序

嘉興府圖記序

重刻辛卯山西同年錄序

會舉序齒錄後序

送南大司寇東洲屠公序

壽沅溪何公六秩序

贈大司寇沅溪何公致政序

贈恭川李公擢江右方伯序

贈嘉禾杜別駕赴調序

贈嘉善令肖玄于侯政最序

贈職方尹子莘出守河間序

壽維熙父冒浦翁序



壽年伯母張太夫人蟠桃回

壽陳母魏太夫人七秩序

贈楊母夫人七秩崇壽序

贈華楚洪侯入覲歸壽尊翁八表序

日鑑堂銘序

寶峰集後跋

記三首

漢東平憲王祠墓記銘

寧波郡守及齋魏侯去思碑記

隱齋壁記

卷四

記十二首

小有洞天記

盍簪亭記

素菴記

景濂堂記

介石齋記

獨石軒記

東平州學田記

修東平州安山湖堤記

修嘉興運河官塘記

月泉草堂記



石泉記

竹田記

文一首

東山移文

誌銘四首

吳太宜人楊氏墓誌銘

貴州布政使司右叅政龍湫沈公墓誌銘

通議大夫應天府府尹贈都察院右副都御史毅

庵孫公墓志銘

槐隱郁處士配湯孺人合墓墓誌銘

行狀一首

都察院右副都御史南崗唐公行

祭文三首

祭黃安岵

祭王荆山公墓

祭石澗陸公文



世敬堂集卷一

慈谿趙文華原實甫著

長樂鄧振鐸西諸君書

賦

大駕南巡賦

皇○上○挾○符○應○運○龍○飛○叩○邸○德○為○聖○人○尊○為○天○子○富○有○四○海  
 之○內○宗○廟○饗○之○子○孫○保○之○尊○孝○之○道○無○以○尚○矣○然○罔○極○永  
 思○觸○物○感○序○悠○悠○陵○寢○垂○二○十○禩○未○頃○刻○忘○也○適○值○太○后  
 升○遐○梓○宮○遙○邁○展○惟○聖○衷○至○不○得○已○乃○仲○春○元○吉○大○駕○南  
 狩○相○度○靈○宇○戛○炎○風○日○涉○歷○河○漢○九○重○非○安○駟○介○非○遠○昔  
 謂○夫○非○仁○孝○之○至○孰○能○與○於○斯○也○已○而○至○此○非○恭○詣○寢



所則見鬱紆隆熒。王氣回薄。金玉焜耀。龍鳳盤翔。皇上於  
是減宿昔之凄悵。披開霽之天顏。睇羣巒之彤勝。體九靈  
之嘉貺。定卜萬年流祥。永世喜溢。舜歌歡同。堯壤南狩。典  
成回鑿。造戒月再盈。而既望日方次。而一周法從天行。神  
輿龍奮。蓋上帝鑒佑乎聖心。而后祇適鍾此靈勝也。與不  
然何人神之妙協也。昔者五載巡狩。具述虞書於皇時。周  
載不周。頌今上孝。建白天仁。濡下土。並行不悖於帝王為  
有光矣。臣拭目傾心。仰覩聖作。敢云擊石致百獸之率舞。  
幸際韶成。覩羣鳳之來儀。乃敬賦其事。以備歌頌。其詞曰。  
猗皇孝之天縱。兮超獨立之無雙。因惻怛以垂制。兮折清  
亂於聖玉。昔玄德之升聞。兮昏天下而。嗚呼父母之底。

豫兮視窮人於無歸。緬隆古之純聖兮。言於孝思。嗣

周武之稱孝兮。亦追崇乎文考。式我享而我將兮。對宗祀  
乎蒼昊。鑒前王之軌範兮。何今時之不然。隆至尊而無上  
兮。祀明堂以配天。紹有虞之芳躅兮。軼成周以並驅。念山  
陔之阻越兮。悵燕楚之冥紆。風寢鬱其何所兮。瞻龍飛之  
舊墟。履春秋其迭謝兮。痛悒鬱而未舒。祇大事其皇皇兮。  
若有求而不得。卜二聖其曷從兮。詔皇輿以親歷。胡羣志  
之不察兮。爰各囂以自詭。舉細務之紛離兮。憫至治之源  
委。雖甚愛以同異兮。憑不厭乎帝心。睿乾斷以震奮兮。揆  
禮則於古今。備法駕而南狩兮。涉遠道之高深。務周盡乎  
孝道兮。軫至計於宗祏。建皇儲以震曙兮。命豎國而無斁。



上帝協而介佑兮肅受釐於百霧乃仲春之望旦兮戒玉  
鸞以始征駟蒼虬以宵邁兮麓句芒與玄冥軼浮景而絕  
電兮駉薦收及祝融涉洪河而泳江兮率臨安而履平矧  
萬民之望幸兮紛吾豫以屏營宗藩遞而奔趨兮覲敷睦  
之至意戴恩光以祇威兮瞻德容之棟棟達郢方以屬目  
兮玉氣繚而攸聚純德屹以鎮奠兮羣峰伏而環峙帝初  
慕而嗷嗷兮頃徒共以自勢陟層岡之崔嵬兮曠神眸而  
睇晚形勝偉其天設兮靈秀溶而菊翳披烟日而呈瑞兮  
薄雲水以舒祥揆龍藏之嘉悅兮占天祿之永長豈皇心  
之自得兮洽臣民而眷慶匪大駕之躬臨兮孰神籌以底  
定若驅霧而覲空兮漁紛絮以會正粵火之既協兮普

下恩以誕施錫皇極以敷民兮推此心而達之疏遊閭悻  
而不閉兮膏澤浹漉而無遺茲我皇之南狩兮斯終慎而  
遠追造回鑿而慰望兮勿彈加以愆時聖躬勞而益豫兮  
信天鑒之在茲喜麟鳳其在楚兮觀化國之昌期臣庶樂  
而大歌兮萬世引以為奕歌曰於赫帝后允協精一兮永  
言孝思因心靡極兮肅振鴻彝省風觀德兮謁展孝寢洞  
察幽側兮不吳不愆動而為則兮天鑒降佑八神警蹕兮  
鑿之幸兮德愔愔兮岱雲觸石沛膏霖兮鑿之回兮無勞  
民兮蕭韶九成鳳凰翔兮於惟皇兮行無疆兮磐石萬年  
歌虞唐兮歌虞唐兮民不忘兮

西墅賦



醫○崧○高○之○崔○巍○兮○亘○天○心○而○維○極○鬱○蒙○茸○而○勒○下○兮○圭○加  
中○以○晷○測○洛○容○溶○以○漭○沉○兮○汝○沈○沈○以○四○塞○控○九○州○其○是  
涯○兮○大○觀○雄○乎○上○國○肇○義○皇○之○華○裔○兮○粵○降○神○乎○丹○嶽○既  
紛○如○其○內○美○兮○又○申○之○以○修○服○心○閱○閱○而○遠○好○兮○悼○幽○昧  
之○險○隘○將○遠○逝○而○自○適○兮○就○詹○尹○以○居○卜○立○覽○觀○乎○八○荒  
兮○獨○臨○晚○乎○故○邛○何○窅○窅○之○西○墅○兮○屬○山○川○之○勝○遊○既○爽  
塏○以○博○大○兮○復○淵○深○而○邃○幽○杜○蘅○續○其○蘭○渚○兮○江○薜○葦○其  
芳○洲○故○繩○蹇○而○纒○纒○兮○薜○荔○貫○而○綢○繆○蓀○獨○好○此○奇○服○兮  
美○要○渺○而○宜○修○與○泰○初○而○為○鄰○兮○狎○立○化○以○為○仇○葦○留○夷  
以○繚○蓋○兮○躬○申○椒○以○盈○堂○芙蓉○矯○以○被○帷○兮○蕙○擗○而○既  
張○菌○桂○撩○而○蓀○壁○兮○揭○車○楫○而○藥○房○白○玉○庭○以○克○瑱○兮○石

蘭○疏○以○合○芳○道○矩○矱○之○所○同○兮○揆○中○正○之○所○感○服○修○姱○以  
練○要○兮○逮○日○月○之○未○央○志○蠲○虬○而○未○申○兮○神○翺○翔○乎○上○蒼  
譬○蛟○龍○之○欲○化○兮○戢○鱗○角○以○遊○藏○乃○扶○搖○之○至○足○兮○翩翩  
舉○乎○南○溟○昔○伊○尹○之○耕○莘○兮○成○湯○聘○之○阿○衡○傳○說○之○操○葉  
兮○武○丁○用○之○中○興○呂○望○鈞○於○渭○濱○兮○文○王○載○之○後○乘○夫○聖  
哲○之○茂○雋○兮○豈○干○進○以○務○入○面○規○矩○以○設○錯○兮○鑿○車○塗○之  
周○佚○皇○天○之○無○私○兮○盼○獨○佑○此○昭○質○朝○緹○馬○於○蘭○皋○兮○如  
弭○節○於○閶○闔○掩○浮○雲○而○遐○征○兮○振○鸞○旂○于○太○乙○相○觀○民○之  
計○極○兮○羗○昏○墊○而○不○安○皇○詔○歷○此○下○土○兮○蹇○咨○諏○而○周○爰  
孰○先○驅○俾○望○舒○兮○繼○後○屬○俾○飛○廉○馱○玉○虬○於○赤○水○兮○施○瑶  
象○於○閶○巔○指○扶○桑○以○為○期○兮○探○會稽○之○禹○民○信○瓊○佩○之○襲



人○分○敷○蘭○英○之○蕪○澤○氣○浙○浙○而○下○蒸○兮○芳○菲○菲○而○不○息○察  
民○德○之○未○虧○兮○墊○棄○善○而○怙○惡○紉○椒○蘭○以○同○臭○兮○倏○風○聲  
之○齊○作○鳴○呼○鸞○鳳○之○一○舉○兮○知○山○川○之○呈○祥○再○舉○兮○睹○天  
地○之○回○光○循○四○極○而○回○周○兮○集○職○微○之○太○皇○見○盛○德○而○鳴  
世○兮○奏○蕭○韶○之○九○成○彼○臯○陶○之○矢○謨○兮○帝○都○俞○於○幾○康○儉  
丹○書○於○踐○阼○兮○武○王○退○以○作○銘○夫○聖○王○之○求○賢○兮○若○神○農  
之○悲○雲○矧○名○世○之○間○出○兮○天○將○永○作○乎○斯○文○亂○曰○汝○之○陽  
兮○乾○坤○之○樞○兮○苑○彼○西○野○中○和○之○都○兮○離○離○衆○芳○朗○其○虛  
兮○彼○美○人○兮○爰○處○居○兮○養○德○之○淵○基○性○固○兮○遺○我○同○臭○佩  
而○茹○兮○芬○何○沫○兮○惟○神○之○祐○兮

秀野樓賦

及○年○歲○之○未○晏○兮○登○秀○野○之○瑤○樓○爰○陶○神○於○妙○象○兮○或○散  
體○於○玄○邛○觀○桑○井○之○霽○靄○兮○萋○衆○芳○而○宜○修○美○要○眇○以○騁  
望○兮○羗○獨○事○於○遠○遊○衆○方○競○進○而○務○入○兮○傷○時○俗○之○從○流  
眩○崇○臺○以○駭○觀○兮○戶○飛○草○以○彤○鏤○蓀○獨○誇○以○練○要○兮○榛○藥  
房○於○芳○洲○葦○木○蘭○以○層○構○兮○惟○薜○荔○之○綢○繆○飛○廉○眇○其○荒  
域○兮○井○幹○迂○而○沈○渺○概○遠○檄○於○弘○廓○兮○儼○幽○壑○之○蒙○茸○臨  
鶴○浦○之○滄○溟○兮○對○猿○嶺○之○崑○峯○故○鷓○夷○之○皓○月○兮○飛○列○子  
之○回○風○粵○既○滋○蘭○之○九○畹○兮○又○榭○蕙○之○百○晦○畦○辛○夷○與○揭  
車○兮○糝○杜○蘅○與○芳○芷○上○蕪○蕪○其○陰○景○兮○下○田○田○其○被○谷○左  
椒○旬○以○彌○望○兮○右○芝○原○以○寫○目○山○霧○起○而○削○成○兮○水○積○明  
以○徑○復○魚○潛○躍○於○丹○藻○兮○鳥○間○闔○於○翠○竹○信○天○造○之○理○美



今豈人為之可能萬卉其盈宇兮四時運而化成丹  
錯而罔設兮絃角閉而不鳴聊暇日而登望兮將優游乎  
涯生吾固知服寵之為貴兮約而不可常也至樂之足娛  
今惡榮華之不再芳也彼周容而貪嗜兮惜不戒乎滿盈  
何世俗之莫厭兮判獨侈而不度貴日思以窮極兮富日  
移而惱怙恣淫心以惜沫兮徇規矩以改錯履傾轍之故  
蹤兮率遠好而得惡吾獨遠乎人情兮耿中道而得路志  
修誇以自好兮爰沈思乎上古猗唐虞之明聖兮信都俞  
而成化秉中正以事上兮諒余心之匪他勉升降以上下  
今遵矩矱而不頰商禹儼而求合兮摯咎繇而能調若濟  
川以舟楫兮羨傳說之所遭我思古人邈其未得兮懷不

寐而憂勞妍景物以舒嘯兮心尤切乎黃堯擘留夷以結  
蒹兮殫秋菊之落葉茵挂矯而紉蕙兮胡繩貫其纒纒佩  
芳菲以彌章兮氣鬱縕以上達假登臨而觀化兮願俟時  
以駿發守其德而弗回兮戒皇途以為期蹇吾止乎禮義  
今微遺則於仲尼乃為之歌曰天庭明兮雲霓藏三光朗  
分鏡萬方瑤圃遨遊白玉幢式觀四海兮時未央吁嗟稷  
契兮功恢唐

少谷賦

有崑崖主人守中純固育德像時既遊行以棲息復軒騰  
而翔飛於是乎推厥所由懷來而讓歸於本始曰匪積曷  
發匪道曷長予小子幸有一得則惟夫子之以知谷之逸



嚮○是○翮○敢○曰○予○能○予○能○請○以○為○少○谷○子○將○終○慕○之○不○暇○式○  
穀○之○恐○違○而○詠○歌○舞○臨○焉○客○聞○而○嘆○曰○邈○源○揚○波○昭○世○顯○  
志○感○物○暢○思○比○德○象○類○則○惟○主○人○有○焉○夫○是○義○也○茲○孝○之○  
致○而○廣○崇○之○基○也○夫○同○聲○不○應○同○樂○不○和○天○籟○不○洩○則○壅○  
沴○應○之○而○况○伐○木○之○義○斷○金○之○好○古○有○明○徵○缺○則○蔽○得○乃○  
直○述○以○賦○其○辭○曰○繫○崑○崙○之○玄○圃○兮○惟○九○州○之○粵○區○薄○鴻○  
濛○而○蔽○日○月○兮○諒○羣○真○之○所○虛○祛○塵○氛○而○屏○迹○兮○集○神○仙○  
以○為○廬○名○之○曰○丹○谷○兮○莫○之○乎○玄○樞○相○窈○窕○以○中○宅○兮○爰○  
循○默○而○守○虛○縱○開○闔○乎○真○蒼○兮○肆○陶○鑄○乎○洪○爐○食○六○氣○與○  
沉○滢○兮○漱○正○陽○與○朝○曦○保○神○明○之○澄○清○兮○精○氣○入○而○邪○穢○  
除○夫○既○蘊○此○內○美○兮○又○種○之○以○湛○德○幹○乾○元○之○靡○及○兮○曠○

坤○厚○於○罔○極○嘘○芽○施○而○肉○骨○兮○起○生○民○之○營○魄○帝○躬○攝○以○  
萬○壽○兮○保○宗○祊○以○無○斁○皇○天○之○無○私○兮○乃○申○嘏○於○厥○後○惠○  
哲○人○其○純○粹○兮○歛○衆○芳○而○齊○授○孰○營○乎○所○止○兮○及○嚴○君○  
之○踵○武○不○相○違○而○相○繼○兮○且○周○旋○以○上○下○仍○羽○人○之○故○邛○  
分○佩○芳○菲○而○愈○靡○服○清○白○以○修○姱○兮○耿○中○正○以○得○路○傲○有○  
莘○之○樂○道○兮○葆○渭○濱○之○真○素○忽○乘○時○而○上○征○兮○翻○然○逝○而○  
改○度○望○三○五○以○為○像○兮○指○羲○皇○以○為○期○緬○前○業○之○不○替○兮○  
思○由○無○廓○而○大○之○朝○遊○神○於○八○極○兮○夕○晞○日○於○九○陽○和○調○  
度○以○自○娛○兮○齊○玉○軌○而○翔○翔○瓊○芝○折○而○為○羞○兮○精○糲○浙○而○  
為○糧○揚○雲○霓○之○掩○靄○兮○奏○鸞○和○之○將○將○歷○太○昊○使○右○轉○兮○  
詔○蓐○收○使○先○降○命○天○闔○而○開○闔○兮○排○闔○闔○以○徑○入○皇○輿○賴○



之○先○導○兮○馳○康○衢○以○自○逸○先○摯○臯○以○陳○謨○兮○弼○湯○禹○而○祇  
合○儼○矩○矱○以○容○與○兮○沛○膏○霖○使○周○洽○覽○芳○澤○其○雜○糝○兮○紛  
昭○質○而○未○昧○揆○繩○墨○其○馬○頗○兮○正○九○天○而○不○悔○惟○茲○谷○之  
嘉○樂○兮○鳳○鳥○翕○以○羣○敷○孰○承○傳○而○卜○居○兮○葺○椒○蘭○以○為○牖  
鳳○喈○喈○以○和○鳴○兮○麟○雜○還○而○出○茲○知○茲○人○之○粹○美○兮○固○谷  
神○之○所○鍾○也○將○歷○世○而○振○響○兮○久○得○被○乎○此○風○也○思○九○州  
之○博○大○兮○孰○非○善○之○可○暨○美○求○福○而○非○是○兮○願○及○時○而○致  
志○彼○重○仁○而○襲○義○兮○翮○厥○美○以○為○常○嗟○地○靈○之○赫○奕○兮○名  
亦○猶○其○未○央○亂○曰○天○地○翕○合○藏○仁○至○渺○兮○守○德○常○足○服○此  
大○道○兮○混○元○周○流○行○地○無○疆○兮○六○合○一○氣○衣○被○八○荒○兮○世  
德○令○譽○不○朽○兮○福○祿○孔○懷○自○天○祐○兮

五言古詩

棲林草堂贈朱鍊師

入○雲○訪○玄○林○幽○意○轉○寥○廓○瑤○草○夾○岸○生○高○霞○緣○澗○落○屏○間

白○玉○花○架○上○青○芝○穉○晴○虹○宿○雕○簷○靈○虬○走○丹○壑○谷○風○清○鳥

啼○岩○日○照○魚○躍○畫○棟○金○碧○泥○神○爐○龍○虎○作○電○靄○起○青○葱○紆

迴○見○參○錯○鑿○治○隱○蛟○螭○栽○梧○招○鸞○鷲○含○景○身○欲○舉○棲○真○心

自○樂○馴○鹿○聽○呦○呦○隱○蘿○穿○漠○漠○烟○飛○逝○蠡○湖○柳○暗○懷○蘓○閣

荷○舒○小○鈿○輕○苔○長○石○衣○薄○金○薤○常○霞○烹○雪○藕○和○雲○嚼○長○嘯

韻○層○松○科○頭○亂○芳○藥○與○君○蓬○海○寬○翩○翩○駕○黃○鶴

佳○人○築○幽○居○乃○在○松○壑○間○盈○盈○碧○石○流○泐○泐○青○雲○山○瑤○琴

四○亭○為○王○子○維○垣○作○盈○盈○碧○石○流○泐○泐○青○雲○山○瑤○琴



寫素心。珠鶴怡紅顏。大儀幹元化。寒暑相循環。倏忽荃蕙  
芽。荏苒漣塵寰。亭虛志以波。地閒心神閒。紫芝潔可茹。丹  
霞高足餐。悟遠妙真理。川積成清瀾。皓皓明事遊。罔去光  
明端。穹窿八荒鑑。雲霄一羽翰。

二美行

二美懷友也。時劉職方世龍以諫罷歸。羅孝廉洪

下第。余謫官次彭城。感懷寄詠。

悠悠彭城道。歷歷原上草。清清澗底流。鬱鬱征人抱。念彼

蘭蕙姿。夙昔永為好。一植兩閩巔。輝煌振奇藻。一植東海

阿。芬香襲瓊島。遨遊二美間。意氣時傾倒。膠漆輕陳雷。相

期諧首皓。詎謂吾道窮。離折催人早。瑶草逐飄蓬。不覺芳

姿槁。嗟余蒲柳質。叢生集荼蓼。魂夢各天涯。遙遙音信杳。

欲憑尺素書。聊將寸丹表。悵望雲端鴻。目送憂心悄。踟躕

覽八荒。風塵何繚繞。

春風行三首

春風吹羅裳。池中聞荷香。明月照綺席。永夜流清光。林花

笑春色。來勸瑤臺觴。寒暑有代謝。天道信無常。秋霜凋蒲

柳。景物成淒涼。世路每如此。倏忽分低昂。禍福惟人名。舉

動莫蒼黃。多言徒取竭。畜水常防泄。所以磨甍堅。三緘慎

其舌。年少粗浮心。談吐恣優劣。國事無寸補。反罹羣小孽。

失足陷泥塗。何由樹勳烈。努力復白圭。保身見明哲。春風

不留人。春松耐晚節。



世路多嶮巖。人心良不古。相交僅眉睫。相期輒肺腑。紛紛如面心。有懷莫輕吐。戈生七箸間。履下為網罟。灌夫因一醉。誅夷絕門戶。

寒修今安在。靈妃豈易享。長揖謝風塵。躡足出迷途。富貴如浮雲。竭來山水都清樽。供嘯傲。况有高陽徒。緩步薜蘿間。黃鸝聲相呼。春風復秋月。藏身在玉湖。山陰興未盡。移舟泛五湖。

古意

五鶴西北來。飛飛凌太清。仙人碧雲上。自道安期名。兩兩白玉童。雙鳴紫鸞笙。飄然下倒影。倏忽無留行。遺我金光草。服之四體輕。將從赤松子。笑傲遊蓬瀛。

和顧東橋

結髮好修姱。夢寐羲軒作。少長逝遠遊。凌雲眇鵝鵲。天門高且重。虎豹競駢惡。功勤惜未展。蘭蕙祇紛錯。大塊疾轉丸。川流縱溟壑。榮悴物有期。日月再相薄。抗首大華上。遺我長生藥。驅車息閭巔。倏然遠塵縛。朝飲沆薤漿。夕登玄圃閣。雖非容成朶。已遂三山樂。君歌昇天行。清嚮振大莫。

七言古詩

題孫伯泉菊花圖聯句三十韻

鵝溪雪璽張虛堂。鷓脂鼉膏凝素光。中懸廣幅五尺強。含精毓粹紛繪香。濡紺濯紫圖秋芳。清標彷彿東籬傍。飛泉洒洒鳴石床。噴雲激霧羣鳳翔。襍褻曩五色裳。文綃玄



綺縈圓璫銀臺繡席誇相當葛中藍輿徒忙自畫工點綴  
羞爭長東風桃李饒春陽繁華過眼俄飄揚柔枝弱幹俱  
凋傷天生奇骨苞青蒼歲寒挺節依脩篁繁英嫩蕊競輝  
煌抗顏食氣凌冰霜伯泉孫子錦繡腸落筆不拾姚家黃  
毫端細瑣神力臧頃刻造化分低昂樊川川上花成莊異  
種每失根與芒此圖譜擬名品詳緜金縹玉文采彰芳心  
不改堪卷藏逢時便可剛清觴

賓江行為何水曹賦

岷江西來下揚子江流蕩天南百里飛屏上轟芙蓉峯蒼  
菱金枝拂羅綺扶桑海上碧雲紅映水樓臺千萬重月棹  
風檣爭出沒洪濤駭浪翻長空揚子江頭鬱芳草紫蘭紅

杜含春早高人能築讀書臺跌盪心胸百塵掃浴鷺飛鷺

起烟蓑釣罷漁翁款乃歌柴門不整逐江路潮落潮平日

月多日月多君如何有時豹隱南山霧有時鵬飛東海波

南山東海意寥廓光燭銀霄搖碧落風流不讓禰衡洲瀟

灑還同何遜閣邇來持節下錢塘潮聲入耳鳴琅琅倏然

夜半清詩夢兩地高情共草堂草堂時醉蘼花酒遥望滄

江落星斗紅舡烏榜凌天風祖楫張槎名不朽水鑑高懸

絕塵滓冰盤月窟心神洗畫舫移琴碧浪堆錦袍紫鳳天

吳起秋風遠岫倚蓬窓長笛短蕭雲外腔呂望勳名出渭

水子陵寂寞空相江渭水相江那可涉滾滾波濤壯烟月

君才却與大江同欲濟須憑作舟楫



丹桂行壽儼山學士

南山秋色清如許。高霞供餐露為醑。艷蕊妖花寂不開。香  
葩拂拂盈仙籞。廣寒貝闕黃金樓。太乙瑤臺青玉女。芳心  
每向紫皇前。幽意還同丹穴侶。桑田渺渺春幾回。藥兔丁  
丁日干杵。曾陪桃實閱歲華。且共椿枝歷寒暑。椿枝桃實  
未足多鬱鬱。天香伴蘭渚。仙子為淹留。佳人復延佇。明月  
吐寒輝。清飈足遐舉。本來天上珊瑚枝。散作人間金玉糝。  
龍枝終是棟梁材。苾苾明堂回大呂。

把劍歌即席贈彭小湖

條風吹衣二月寒。高軒夜坐明珠盤。彈劍起舞歌不已。遊  
迤直結平生歡。平生意氣羲皇儔。須臾效唾生陽秋。孤心

却與青萍合。子夜龍光燭斗牛。明時起主年方壯。抗塵絕

俗輸清望。佐魯初看竹馬迎。遭齊屢奏賢書狀。直道從來

世所違。人心談笑中。危機波濤翻覆。陵谷異黃金。消鑠白

日輝。賈生命窮。迂絳灌。寧子時來歌石爛。丈夫事業匪人

謀。龍會飛騰。鳳或竄。君今把劍倚長空。剗犀嘗軌。憑所逢

輕車好展康莊足。健翮須搏羊角風。康莊羊角會。有時策

勳。竹帛酬相知。風濤簸弄詎可久。雌黃之口何能為。

大鶴山吟

大鶴山者。同年高子所憇遊地。山有青城。其景絕

勝。羽容霓色。飛繞於瀛寰。烟橋嵐溪。曼出乎凡境。

某俗鞅尚羈。仙踪未偶。寤言興。曠述而為吟。



光○岳○奠○扶○輿○哲○人○往○往○當○名○區○仁○智○樂○山○水○勝○域○由○來○播  
奇○美○太○白○東○馳○巨○井○絡○岷○峩○矗○天○飛○劍○閣○上○有○青○城○萬○丈  
尋○沿○回○鬱○毅○大○鶴○岑○青○城○雄○視○五○嶽○首○大○鶴○相○隣○獨○為○友  
洞○壺○絕○勝○武○陵○天○六○丁○未○許○通○秦○川○神○物○晝○出○沒○羽○衣○何  
翩○翻○上○餘○飛○丹○之○龍○漱○下○布○種○玉○之○鶴○田○始○疑○洞○府○寂○無  
畦○忽○見○天○門○漸○有○梯○兩○崖○礪○確○勢○合○若○屋○穹○窿○中○敞○虛○映  
朝○旭○乳○枝○凝○斲○以○磬○落○松○籟○疏○風○而○瑟○續○枸○菊○之○影○龍○蛇  
屈○獲○落○在○甘○潭○底○肉○芝○之○精○兒○童○傘○蓋○恍○惚○將○何○紀○山○人  
廣○穎○方○碧○晴○築○阿○憇○坐○觀○無○生○觀○無○生○亦○無○死○一○元○二○十  
一○萬○六○千○年○闔○闔○氣○化○常○如○此○夢○邯○鄲○一○霎○中○勳○名○熠○煜  
乘○天○風○翔○飛○為○上○黃○金○字○瑤○璫○玉○鼎○屬○我○舉○煉○藥○補○天○工

丹谷歌贈少谷尊人

丹○谷○先○生○和○之○後○三○千○年○來○今○始○有○黃○庭○養○就○玄○牝○胎○天  
柱○經○扶○赤○石○手○君○王○問○道○承○明○廬○曾○調○玉○屑○金○盤○珠○瑤○桃  
分○得○崑○丘○種○青○鳥○飛○時○王○母○俱○王○母○崑○丘○隱○靈○秘○先○生○得  
此○神○光○異○鶴○背○長○驅○入○紫○清○飄○飄○雙○袖○生○雲○氣○世○間○榮○祿  
助○塵○埃○解○組○歸○棲○白○鹿○臺○臺○中○磊○磊○何○所○有○芝○草○瑤○花○歲  
歲○開○丹○成○黃○金○不○自○寶○更○與○仙○郎○潤○枯○槁○咳○唾○俄○驚○甘○雨  
濡○歛○啟○便○覺○春○風○好○有○時○塔○前○看○舞○老○萊○衣○有○時○天○上○相



迎許仙詔蘭檻間將流水彈蘿圖只遣白雲掃雲來雲去  
無異時丹熟丹還人不知請看谷上南山樹八千日月春  
秋期

題少峰圖兼贈別少峯旗峯子

三山碧海旗揮霄秀脉青葱龍欲跳渥注神種鳴華聊晴  
空斗宿橫雞翹出入雲霧吞鯨鰲翻騰霖雨蒼生膏江南  
秋暮風蕭蕭雙鳥朝天玄鶴驕月梁星嶠尖如刀老人轍  
卧兒夜號鯤鵬一去搏扶搖愁殺鴛鴦三荻橋釣天縹緲  
閭闔遙巫山繡襦紅錦袍翠旌孔蓋飛瓊瑤我欲邀之玉  
色醪吁嗟玄冥何參寥

畫菊吟謝孫伯泉手筆見惠

使君性類淵明癖報國許身歸未得只將綃幅代東籬丹  
青寫出毫端植常憐臭味此心同共作殊鄉未歸客逢時  
珍贈故園花滿目扶疎匝泉石主人朝退日無事坐對此  
君生意氣庭中還有素琅玕架上重添新翡翠恰恰花枝  
不盈把拍拍秋容分造化枝頭浥露謝輕塵花面含風弄  
清夏丹崖薜荔白雲深黃鳥間闐遺好音蘿頭三徑如相  
憶喜有青樽開素襟

題崑崙圖

崑崙山高一萬八千里復道層城棟天起天帝分都宅下  
區闐苑瑤池隔三市東海時過蓬島仙南極婆娑玳瑁筵  
霓裳曲奏玉龍舞玄醴杯傾珠蕊鮮霓裳玄醴渺人寰玉



爰○金○箱○姓○字○班○蟠○桃○騰○宴○非○難○會○黃○竹○奇○遊○亦○可○攀○五○色○  
雲○中○騎○鸞○鷲○九○重○樓○上○釣○天○作○昨○夜○東○萊○青○石○山○共○相○羣○  
仙○跨○白○鶴○

沃州歌

興○公○賦○天○台○擲○地○聞○金○聲○太○白○夢○天○姥○枕○席○烟○霞○生○昔○人○  
寄○興○良○不○淺○名○山○未○到○心○先○傾○五○岳○高○轟○天○不○離○人○世○間○  
九○洲○空○海○外○絕○域○誰○躋○攀○豈○如○茲○山○枕○東○海○萬○峯○千○壑○雲○  
深○靄○玉○洞○挑○源○不○可○窮○蓬○萊○方○丈○依○希○在○珊○瑚○為○骨○碧○玉○  
為○神○于○夜○日○出○四○時○長○春○大○禹○時○巡○空○至○止○秦○皇○求○藥○徒○  
逡○巡○騷○人○墨○客○羈○旅○孤○臣○慳○緣○靈○秘○迷○路○花○津○若○箇○泛○槎○  
天○漢○上○却○教○騎○鶴○沃○洲○濱○

雲川歌贈高侍御

閬○風○揮○霄○天○九○重○天○南○窅○窅○來○羣○峯○芙○蓉○飛○迴○泰○華○峙○銀○  
河○倒○挂○瀟○湘○東○帝○留○寶○域○秘○瀛○宇○混○沌○未○開○光○岳○聚○五○丁○  
神○力○限○岷○峩○二○百○文○章○鬱○鄒○魯○儲○精○育○秀○自○千○年○大○明○况○  
復○南○中○天○紫○霧○遙○舒○塵○渾○海○青○波○飛○拖○桑○榆○川○星○躔○井○宿○  
煥○梁○益○金○城○玉○案○紛○蒼○碧○山○川○隩○會○萬○里○清○百○蠻○九○道○來○  
重○譯○昌○運○多○方○產○異○才○菁○華○燦○爛○文○人○開○此○日○從○龍○作○時○  
兩○崇○朝○觸○石○凌○氛○埃○碧○鷄○金○馬○浮○南○陸○翡○翠○珊○瑚○披○馥○郁○  
好○似○葡○萄○初○醱○醅○晴○光○掩○映○扶○桑○木○溶○溶○瑞○氣○調○太○虛○非○  
烟○非○霧○明○霞○舒○不○隨○嶺○表○昌○黎○去○曾○向○南○陽○卧○草○廬○點○蒼○  
嗟○城○青○未○了○錦○浪○濤○暖○入○縹○緲○出○岫○曾○看○傍○紫○微○為○章○忽○



見騰天表紫微天表郁輪囷率舞和鳴鸞鳳羣瑤枝玉樹  
隱蓬島車渠瑪瑙成氤氳東海澄清初攬轡中朝凜凜霜  
威異鮫鱗聞風遠遁藏枯苗倏已成嘉穗君不見高宗說  
命意何長舟楫膏霖實賚商中甫之靈維嶽降滇南萬古  
生輝光

遠別離

遠別離古來不獨瀟湘之二妃乃有塗山之女夏啟之母  
大禹八年平水土三過其門不得顧崧山雖高望何極願  
為黃鵠今化雙翼雲渺渺兮路漫漫水滔天兮何時乾我  
蘇弗試兮殛羽山龍門稜層兮不可刊懷彼岡陵兮河路  
寒陟崧高兮天地寬愁忽無憑兮裂肺肝身化為石兮摧  
激湍禹功完地乎天成萬世歡啟母之石永噴吮

東山草堂歌

澤深不患龍不棲山高不患鳥不啼道在不患時不用鵬  
舉常須風力齊渭濱垂綸過八十傳岩畚築遺原隰夢卜  
明良會有遭勳名落落人能及東山昔擅謝公名儒雅風  
流山水情着屐曾經穿虎豹奕棋時復伴倉庚青娥窈窕  
行雲色歌吹泠泠蕩胸臆雲來雲去旦夕間山北山南自  
消息豪傑天生作民紀民生嗷嗷望公起指揮一掃百萬  
兵秦人膏血填淝水我愛東增若高山高共憶公之豪千  
年慷慨風不嗣幾看圖史傳遺事東山今日在東萊青石  
山人安石才伏龍曾向隆中卧采鳳遙瞻天上回蘿薜陶



情良不淺。經綸日月。亮舒卷。飛騰青瑣。碧梧雲。補衮垂衣。  
資曷鉉。埋輪風采。動張網。奏賦人稱。司馬長。太平未賴。籌  
邊策。誓謝簪纓。歸草堂。堂依山麓。昌邑東。會稽秦望。若為  
通青鳥。銜書先。玉女黃。花送酒。相金童。金童玉女。樂無垠。  
明月清風。秋復春。野人不識。中丞貴。鄉里都。傳郭泰。巾箇  
時二仲。或相從。箇裏間。看海日。紅杖藜。躡躑躅。足方健。放掉  
回溪興。不窮。山人豈是。忘世徒。心憂廊廟。身江湖。道猷漫  
與山林。寄哀。赤能將。天地扶。時論蒼生。頻屬望。伏波雙鑠  
年猶壯。孝文拊髀。思良將。折衝不。數雲中。尚淵珠。生輝玉  
生潤龍。盤鳳翥。逢堯舜。北山移。文更勒。銘東海。蒲輪奉。檄  
迎丹青。直陋麒麟。閣長嘯。終尋鷗鷺。盟

明珠行贈三洲

滄溟渺渺。雲空洗鬱華。菡萏弄扶桑。水靈胎結。就明玉珠。熒  
光上燭。天門裏。蛟精斂跡。不敢窺。婆娑真與龍。相隨每疑  
北斗撼。雷電誰知。東海浮鯨鯢。委為山頭吐。燭龍神樞華  
渚流飛虹。采鳳靈蛇。不自秘。乘時來獻。黃金宮。桂積蘭房  
貯貝鈿。何啻珪璋。與瑚璉。大明晶晶。自中天。縱有神光。何  
處顯。韜埋甘。與魚目。儔敢向。君門嗟。偃蹇。君不見。寶劍平  
生不得意。猶如。櫪下垂。頭驢零。落飄沈。古獄邊。秋水橫。空  
騰夜氣

海廟同任給事。毛京兆徐使君。  
我生東海南。來謁東海廟。廟在嵎夷東。海中宿日修祠。遵



古○道○仲○冬○風○日○正○淒○淒○謁○廟○能○煩○地○主○携○拾○遺○京○北○皆○英  
俊○海○上○看○雲○不○杖○藜○東○南○海○雖○好○未○似○芙○蓉○島○芙○蓉○遙○接  
泰○山○根○石○齒○磷○磷○潮○汐○掃○一○望○平○鋪○萬○域○春○三○山○笑○傲○是  
何○人○秦○皇○漢○武○不○得○致○海○神○為○我○指○點○傳○其○真○我○欲○一○吸  
海○水○淺○曳○履○方○壺○恣○遊○衍○銀○樓○金○闕○與○天○通○瑤○草○靈○葩○那  
可○辯○天○吳○騰○虹○架○玉○橋○飛○梁○暫○掛○東○斗○杓○銀○河○斜○注○崑○崙  
軸○輪○迴○元○氣○如○車○轂○竦○身○側○影○一○晚○之○俯○見○神○州○真○赳○赳  
意○長○翻○短○未○足○舒○幾○度○徘徊○狎○太○虛○清○光○不○恨○風○濤○遠○勝  
地○終○為○達○者○居○飛○飛○島○雁○王○喬○鳥○仙○侶○還○疑○天○咫○尺○相○逢  
嗔○我○謫○仙○人○我○意○悠○悠○殊○不○極○昨○日○鯢○鮓○盤○海○底○明○發○雲  
程○千○萬○里○人○生○會○適○各○有○時○如○執○元○歌○傾○海○水

五言律詩

牛首山五首

藍輿俯青郭○幽思展林塘○水接平泉樹○雲回華子岡○新醅  
凝澗碧○踈菊傲霜黃○窈窕翠微近○嵐峰起雁堂  
蘭○甸○秋○容○蕭○松○闕○曙○色○初○空○林○看○鳥○下○幽○谷○聽○鐘○疏○塔○日  
搖○金○海○鈴○風○振○碧○虛○樵○人○逐○天○末○蘿○徑○若○為○除  
乘○遊○來○寶○地○狎○侶○步○珠○林○山○靄○霧○張○穀○川○明○日○湧○金○人○歌  
碧○樹○杪○犬○吠○白○雲○深○何○處○玉○簫○動○清○冷○閒○素○心  
小○酌○層○臺○峻○虛○無○接○上○方○舉○杯○看○華○嶽○俯○檻○對○瀟○湘○古○殿  
籠○龜○霧○丹○楓○落○雁○霜○興○來○同○謝○眺○狂○欲○自○稽○康  
絕○壁○侵○雲○半○危○峯○與○日○齊○登○臨○豁○心○目○那○復○倦○攀○躋○木○落



長○江○細○天○空○萬○壑○低○虛○疑○閭○闔○迫○已○上○玉○門○梯○

靈應觀

披○襟○步○丹○闕○林○樾○散○幽○情○溪○雨○漲○新○綠○山○雲○常○晚○晴○荷○翻○  
雙○鷺○影○松○墜○萬○蟬○聲○玉○醕○凭○欄○處○長○歌○足○此○生○

省中秋日

金○飈○清○畫○省○玉○露○洒○丹○藥○京○國○雙○蓬○鬢○鄉○山○幾○雁○書○寒○蔬○  
留○首○藉○落○葉○淨○邛○壚○歲○晚○秋○容○波○令○人○感○索○居○

觀音寺扶侍東歸愴別

寒○空○澄○落○日○野○外○隱○秋○菰○雲○擁○三○山○樹○潮○迎○八○月○槎○離○尊○  
歌○綵○袖○別○意○惜○黃○花○珍○重○溪○亭○上○清○吟○翫○物○華○

南麓山人

老○倦○江○湖○興○歸○尋○山○郭○幽○詩○成○紅○樹○柳○杯○送○白○雲○秋○花○徑○  
雲○棲○鶴○茆○塘○月○泛○鷗○何○時○丹○竈○熟○一○伴○赤○松○遊○

花朝對月

蘭○塔○清○夜○寂○瑤○館○靜○含○風○跡○影○搖○空○翠○繁○陰○綴○小○紅○春○華○  
明○鏡○裏○皓○彩○落○杯○中○無○限○幽○居○思○長○歌○度○碧○空○

贈苗東隱士

草○亭○開○野○寂○羅○幌○漾○波○空○浦○静○沉○珠○月○霞○明○濯○錦○風○金○魚○  
穿○密○翠○玉○露○點○疏○紅○千○載○子○陵○意○相○傳○苗○水○東○

永明寺月池贈曉亭上人

慧○沼○拂○祇○林○曇○空○照○梵○音○天○開○長○夜○月○人○見○不○塵○心○幻○影○  
含○風○物○寒○光○定○古○今○頻○過○仙○侶○迹○支○遁○有○高○吟○



鑑湖雨中  
風雨湖光合烟花嶼色微小舟能送酒狂客任吹衣  
蘆捲  
青山見江橫白露飛孤亭懷賀老辭祿遂忘機

吳門同陳海樵項少岳夜話三首

辭家忽不寐清夜發長歌坐對山中客言從月下過  
杯深  
留海岳蘆淨拂星河共聞沙際鳥漂泊話滄波  
踈城玉漏沉旅宿近烟林江上孤舟夜燈前歧路心草  
螢  
晴照影沙靄洗生陰別酒將愁思悽然滿客襟  
良夜一杯酒孤舟千里人鐙深論白髮衣素染鉛塵  
郭淨  
山形繞津長水色新吳王臺下路去住各傷神  
登太白樓

突兀在城頭名高太白樓嶧山孤嶂迥泗水萬年流  
好月  
長宜夜清風不斷秋坐看銀漢渚虛憶下仙舟

夜坐

羞澁姜肱被風塵季子裘雲歸林鶴暝月上朔鴻秋  
睥世  
那青眼逢人歎白頭絕糧吾道事抱膝更何求

劉函山見邀泛湖

遠遊意不極登眺愜高臺夾樹分為蓋香荷小作盃  
南山  
真窈窕北渚更沿廻日落微風起天清明月來

出京

鳳闕辭明主驪歌惜舊遊看花雙淚下折柳寸心柔  
直道  
期終遇勳名闔未酬危言憂聖世漂泊向窮陬



初歸西湖志喜

歸向湖山曲。扁舟紫翠班。人間疑絕域。塵外即仙關。歌吹凌風起。樓臺竟日閒。如何舊時鶴。不見月中還。

獻花巖

看山意何限。徙倚白雲巖。寶藏開明鏡。空花點碧衫。地幽松竹靜。臺古薜蘿緘。長嘯諸天外。倏然迥出凡。

贈林少峰明府北上

畫鷁浮仙旆。飛鳥向玉京。故人青眼在。岐路壯心傾。木落野仍綠。天空秋更清。折腰能報主。無事學淵明。

鑑湖

日月懸雙鏡。舟行入太清。雲含瑤館淨。夜發碧洲明。山際

浮滄海。江流枕越城。十年鄉國夢。對爾不勝情。

和張餘峯韻

忽忽春光半。栖栖塵夢中。山花知歲序。海鶴畏樊籠。命或馮唐似。才寧賈誼同。芳雜良易萎。何必怨秋風。

秋日酬吳山泉寄惠二首

一繫三時久。孤踪千里思。寒暄無與晤。寂寞但君知。古道淪塵土。清時冒險巖。興言揮欲泣。惆悵寄新詩。

滿眼傷心事。新秋問故知。鬢隨江葉落。身到海雲遲。丹轂多傾轍。青山足隱居。逢君一面後。急欲訪東籬。

五言排律

西虹為司馬即守題



帝里青溪曲。仙居白下流。鳳凰雙貝闕。鳩鵲五雲秋。六代  
豪華在三山。紫翠浮宅。聯江令。迥城喜謝公。幽舞燕。烏衣  
如芳蘭。白鷺洲。芙蓉飛畫障。蛩螭偃丹邱。華渚三光麗。星  
槎九彩秋。凝霞朝飲澗。貫月夜明樓。水冷魚龍臥。天空鳥  
鵲愁。昇仙才滾滾。題柱意悠悠。素舸尋康樂。孤蓬憶子猷。  
花當朱雀媚。鳥向秣陵投。極浦蘭香詠。高臺太白遊。雕欄  
迴錦石。朱棟隱蒼虬。落日天邊雁。春風陌上驪。懷珍來上  
國。挾策傲王侯。久繫蒼生望。曾先社稷憂。渡荒桃。葉冷村  
香。杏花羞直氣。凌霄漢。清光射斗牛。不須驅石苦。已負濟  
川籌。熊軾仁風暨。龍門德譽優。碧翻張麥秀。綠蔭召棠稠。  
太史周南滯。文翁蜀郡留。輝煌揚聖澤。磊落贊皇休。赤縣

濡霖雨。丹心對冕旒。名傳青汗簡。色動翠雲裘。樹入秦淮  
遠。山將泰華侔。清風遺梓里。雅興逐沙鷗。地勝人還傑。時  
清志欲酬。引杯看短劍。橫笛引扁舟。安得附驢尾。交歡期  
白頭。

秋日泉亭對月

秋思忽寥落。亭虛得靜看。夜長今却暑。曉雨欲生寒。落葉  
清泉澗。奔流損藥欄。物情通久客。身老逐微官。夾氣逢新  
序。明時失舊歡。摘情憐宋玉。鱸意媿張翰。凄切砧為響。蕭  
條蓬作團。宮雲開上苑。山色動長安。未賜王喬舄。空彈貢  
禹冠。何由依玉樹。似昔話金蘭。北望鈞陳迥。東征折木寬。  
自憐衰赤在。却照汗青難。薄劣迷騏驎。飛騰失鳳鸞。漫歌



折楊柳珠淚不勝彈

南峯贈方明府

銀漢中天迥。冰臺四望賒。日當黃道麗。星逼紫微斜。石古懸金薤。江空映白沙。碧光晴轉月。丹色淨流霞。似接三山島。還乘八月槎。素心懸北斗。清夢遶東華。雲路騰騏驎。霜花動莫邪。悠悠懷戚里。渺渺隔天涯。化澤民方渥。詞華世所誇。琴鳴子賤邑。書載茂先車。飛鳥干天象。啣息拜帝嘉。明當侍清禁。未許學丹砂。

送南司業王祥川

視草謝綸閣。橫經下辟雍。皇都開帝業。師席重儒宗。鼇軸神杓運。鴻鈞淑氣鎔。明時儀鸞鷲。熙代躍蛟龍。有美豫章傑。由來匡蠡鍾。風雲呈色象。宇宙羅心胸。燦矣崑崙玉。脩然泰岳峯。瑤詞金馬選。采筆石渠供。士範掄當宁。榮恩拜九重。仙槎銀漢下。旅篋錦囊從。化捷時敷雨。聲隨若叩鐘。威儀何抑抑。德度更顯顯。禮樂周官重。夔龍虞世庸。闡微探道奧。述古嗣賢蹤。繩削掄才木。漸磨秉筆鋒。橋門環聽視。桃李盡章縫。地遠青溪竹。庭瞻鍾阜松。揮毫驚素練。醜酒憶黃封。看劍曾分夜。論文謾足冬。菊辭賓幕去。梅向驛亭逢。密勿須賢急。吹噓意獨濃。如聞宣室召。星駕勿從容。

贈華峯秦太史奉冊薇藩便道歸謁白崖宮諭

聖主乘春令。宗藩下寵章。乾坤昭法象。日月煥旂常。命出官中璽。恩來天上潢。星軺傳內史。玉冊賁賢王。仙籍原殊



貴詞臣倍有光○蒼龍黃道轉○丹鳳紫霄翔○窈窕京東路○踟蹰渭北觴○岐亭分柳色○驛路遠花香○題柱赤城渚○揮毫白玉堂○言將池草夢○千里報元方○

贈湛塘侍御

習坎昭玄象○川流契道心○天開半畝鏡○雲淨萬峯臨○翡翠涵春草○玲瓏奏玉琴○織鱗真可數○飛羽故長侵○月色明○秋浦波光浸○遠岑鷗迎垂釣伴○鳳引濯纓吟○島嶼烟難沒○星河影不沉○絮飛沾舞燕○花落散鳴禽○露下天浮玉○風晴日弄金○清光凝少室○虛白瑩靈襟○薄麗冰壺月○丰姿玉樹林○淵深知有本○戰慄更如臨○皎皎靈均潔○汪汪叔度深○文光牛斗燭○法服太微森○繡史霜威操○丹書水鑑箴○寧同時晦顯○且滌世氛祲○千載驅高行○何人識賞音○激昂為長孺○瀟灑出陳琳○欲濟全凭楫○逢時更沛霖○相期垂竹帛○未許遽投簪○

東寺同趙侶齋

瑤館來仙侶○金風洒客衣○雲泉過寺僻○蹊徑入林微○遠水明浮漱○秋山淨落霏○巖前花並酌○松下月同歸○莫誦陽春曲○由來知者稀○



世敬堂集卷二

慈谿趙文華原實甫著

七言律詩

初春遊天界寺示斌上人

春遊散綺出南闕○蒼翠依然第一山○  
亭竹石吏情閒風柔谷鳥聞歌吹日暖林花轉笑顏况有  
是公能好事漫開筇筵白雲間

登雨花臺

斜日高臺烟霧虛○織春花柳未全舒○  
郭道遙仙子居翠岫松篁如奏瑟碧霄鴻雁自成書○  
不盡山翁興瑤塔鐘聲綺陌疎



宴鳳臺徐氏亭

綺席宮袍集勝遊。碧筍玉醴曲江頭。龍迴紫極千峯迥。鳳  
杳蒼梧六月秋。蕭管漫從天上奏。雲霞偏向澗邊浮。欲賣  
東山成小築。便依邱壑老滄洲。

春日登報恩塔

清光古塔芙蓉麗。碧宇丹梯閶闔懸。碣石長風來萬里。鍾  
山佳氣接諸天。林花待日開綺羅。谷鳥將春弄管絃。勝地  
番增鄉國思。輕帆遙掛白雲邊。

題東峯茅齋

東峯主人清且閒。茅齋寂寂寄名山。白雲蒼嶽意自適。流  
水孤松人莫攀。蘿月夜明龍自卧。蕙風春暖鶴初還。數聲  
鐘磬隔林麓。鷄犬分明遠市寰。

劉平嵩招遊靈谷不赴和答

有約登臺竟惘然。夢餘幽思繞林泉。芳洲綠樹聞黃鳥。高  
閣清尊在碧天。千載勝遊誰共賞。驚人佳句已先傳。何時  
同著東山屐。與爾重論明月篇。

登鷄鳴山塔次韻

羣峯拱塔翠烟流。獨坐高歌散客愁。北極虹光燭台斗。中  
天紫氣下皇州。風生上苑三春麗。月映長江萬里秋。為憶  
東山興無限。岩花垣竹幾回留。

金澤寺

珠宮貝闕紫雲峯。巖石谿衍卧碧松。瑶月初臨蘭棹白。綺



霞○還○映○桂○巖○濃○龍○山○影○動○秋○空○錫○鯨○海○聲○搖○夜○壑○鐘○萬○里  
滄○洲○違○夢○想○茲○遊○真○與○鹿○仙○逢○

陳鳴楚遊金陵見過有約

蘭佩遙從海上來○草堂春色若為開○青菴畫舫深相逐○綵  
筆瑤章祇共裁○禹窟探幽麋鹿徑○吳門掛席鳳凰臺○湖天  
木落知秋思○作賦還憑宋玉才○

天壽山

峩峩燕岳俯金臺○奕奕鸞宮取次開○地自崑崙雪外轉○天  
當北極斗中回○千年彩鳳朝陽在○萬里蒼龍戲玉來○聞道  
成周曾卜洛○何如天府接蓬萊○

駕幸九龍池

瑤池忽覩九龍飛○紫氣都從太液歸○玉溜未調鮫女瑟○金  
波先漾羽林旂○西山樹色紛為藻○銀漢星文并欲輝○靈沼  
昔曾歌聖樂○深淵此日覲天威○

九日登萬歲山得中字

鳳城佳節玉華宮○鸚佩相過碧宇空○落木豈堪悲楚客○叢  
花何事識陶翁○凋弓未淨雲山外○寶殿初開輦路中○為向  
閒情賦流水○不禁秋思逐征鴻○

題節山示宗姪巖

若耶溪東雲水長○晴峯縹緲凌空翔○杖藜笑入丹霞圃○騎  
鶴閒過赤石岡○已見瑤枝分奕葉○仍將雲漢倒滄浪○年來  
更有青囊秘○海上名山未許藏○



洪氏山亭

仙家朱館接蓬萊。繡石芙蓉麗碧臺。照席明霞天上落。深  
秋小艦鏡中回。雙峯雲樹千層迥。一曲晴波萬壑開。先業  
祇留瑤劍在。清芬縹緲燭三台。

同吳海峯遊天平山天池三首

芳郊遊旆去翩翩。騎馬看山勝酒船。佳樹幾村皆傍水。亂  
峯千仞欲摩天。石邊把釣成幽事。方外尋僧結淨緣。共識  
良辰難再得。仍于池上一蟬連。

芙蓉澹蕩靄晴空。天削羣峯畫不同。更覓丹邱何處是真  
疑。佛國此中通。爰穿竹樹新遊徑。愁說亭臺舊霸宮。江上  
幾回歌舞地。惟餘麋鹿臥秋風。

穹窿山色帶湖光。湖上諸山接渺茫。林霽洞天多變幻。泉  
聲空谷自琳琅。供茶野叟情偏洽。說偈高僧韻獨揚。極目  
丹梯遊不盡。更留斜日醉飛觴。

省中黃鸝結巢林木喜賦

窈窕芳林好鳥過。間闕仙署晝相和。迎風忽送山中韻。對  
雨時傳柳外歌。為惜韶光淹日月。還疑招隱到松蘿。同心  
來興開尊酒不飲。其如物意何。

賜宴千秋節

貪趨曉日覲彤墀。共戴前星初度時。華夏衣冠瞻主鬯。殿  
廷雲物耀重離。花間合舞千官袖。天上歡承萬壽卮。自幸  
臣生逢既醉。猶將聖澤詠螽斯。



潯陽董太史親親還吳興  
瀛洲仙子玉壺冰秀覽瑤臺十二層直筆家傳青汗簡奎  
章手出紫泥綾三春雨露萱庭集五夜台纏草閣凭共說  
東宮開講幄儲端早屬秘書丞

雲泉吳宮庶視篆留院

金陵佳麗玉堂清進秩官衙視篆榮王業鎬京遺信史文  
儒鄉國籍賢名夢回曙闕雲長在吟倚秋山月共明龍幄  
傳經虛講席燕臺春日倍含情

見槐堂詩并引

見槐主人秀之隱君子也義方素著其子文芳上春官擢  
第有日矣里人登堂為翁壽因歌而祝之

綺席霞觴五采袍華堂瑤樹紫雲高清尊已舉仙童酒碧  
菓新擎玉女桃旭日九苞看鳳翮晴霄萬里識鴻毛多君  
奕葉延家慶會見龍章寵命褒

憲使張鄧西奏績南還兼壽大夫人七秩

繡斧朱輪驛路光賢書萬里最君王萱庭再啟雙鸞誥聖  
母親傳九醞觴人自崑崙稱壽域客臨蓬海是仙鄉秋暉  
并送樓前萼更詫班衣有二方  
其兄慎餘  
慷慨佳士

送羅雙浦之任金陵

金臺惜別向金陵春日全消冬日冰折柳臨歧難贈客看  
花異地若為朋山川形勝多賢在甲第繁華舊俗仍皂蓋  
青駉京國重仙郎柱史武堪繩  
雙浦大父嘗為武  
選父為侍御故云



送熊東川憲副之閩中

塞鴻歸盡燕初巢。送客都城綠滿郊。清海威名先日鳥。平蠻動畧到南交。路經九曲聞歌棹。勝入三山愛結茅。最是親闈相密邇。不妨綵服奉蘭餽。

贈凌學正

鳳臺仙子楚雲東。猶憶當年謝客風。柳葉幾回秦渡碧。杏花時見晉園紅。清高遠岫孤鶩鶴。去住層霄萬里鴻。何日相携臨泰岳。豪吟越望醉晴峯。

湖南書院讌集

百年高興在江湖。此日艱危旅思孤。月色漸將催夜漏。風流劇欲倒春盧。丹心北闕虛懸斗。白髮南雲祇望吳。愁對

諸君吟澤畔。恐驚漁父問形枯。

雪中同劉使君訪少泉別業主人以詩見慰和答

雪圃遙開碧玉霄。中車同過使君輶。松圍片石烟常在。泉遠晴溪凍未銷。老足好凭衢路展。壯心不受小山招。逢君解把陽春調。慰我秋風思寂寥。

別翟青石

作客東山已舊遊。遠將南墅動新愁。不嫌疎放惟青眼。却喜勳名未白頭。海上春風偏淡蕩。花間遲日更淹留。長亭別緒渾無賴。折柳尊前葉未抽。

寒亭驛

寒亭春事尚蕭蕭。古驛風沙晝寂寥。芳草玉孫誰與悟。忠



魂○詞○客○故○難○招○轉○輸○正○憶○軍○儲○苦○馳○突○還○聞○故○馬○驕○入○夜  
月○明○愁○擊○折○越○鄉○花○色○夢○中○銷

千佛山宴集

玉○洞○含○秋○鎖○翠○微○慢○亭○嘉○客○亦○因○依○白○雲○犬○吠○開○幽○逕○落  
日○烏○啼○淨○遠○扉○山○意○蕭○蕭○衰○鬢○共○風○塵○渺○渺○壯○心○違○逢○君  
縱○目○酬○羈○思○何○得○賓○鴻○却○早○飛

贈彌陀寺隱山

青○郊○窅○窅○枕○洋○河○紺○宇○陰○森○開○薜○蘿○支○遁○愛○山○應○不○忝○東  
林○遺○事○意○如○何○曇○花○法○藏○迷○塵○劫○銀○海○浮○名○愜○淨○波○去○住  
無○心○雲○片○片○月○明○松○徑○鳥○來○過

東鎮廟次喬白巖韻

泰○岱○逶○迤○東○復○東○登○山○臨○海○意○何○雄○天○邊○屹○立○堯○封○鎮○地  
窟○潛○通○禹○鑿○功○月○淨○三○更○松○化○鶴○雲○深○一○片○石○飛○虹○瞻○依  
廟○貌○窮○源○處○應○有○蛟○龍○卧○洞○中

鳳城春日二首

鳳○城○春○曉○曙○雲○飛○山○翠○空○濛○淨○竹○扉○趁○蕊○遊○蜂○還○個○個○定  
巢○語○燕○自○依○依○上○林○詞○賦○誰○能○獻○芳○草○王○孫○去○不○歸○便○買  
小○舫○泛○東○海○蓬○萊○弱○水○接○漁○磯

暖○風○晴○日○鳥○聲○喧○與○客○探○幽○白○下○村○花○入○江○光○明○素○練○草  
含○山○色○上○青○痕○秦○淮○裊○裊○雲○歸○樹○吳○會○家○家○水○遠○門○高○座  
碧○峰○俱○勝○地○劉○郎○長○此○覓○桃○源

登天寧閣



高閣氤氳朱霧收。晴空波蕩錦城秋。南來翡翠通鴛渚。東望蓬萊接鳳洲。時命尚遺梁客賦。勳名終上范公舟。三台白日層雲迥。萬里清風動遠遊。

白蓮禁體

清秋仙子渡銀河。素艷天粧朱雀過。香鳳杯晴雲縹緲孤鸞鏡。曉月娉姿珠盤露。惹湘江。泪瑶扇。風生七寶歌。最幸年年逢天液。不教解語學宮娥。

懷留都同曹諸子

白門仙署憶天涯。明月澄江雁影斜。蝴蝶夢中長作客。鳳凰臺畔昔為家。東風古渡懷桃葉。細雨荒村惱杏花。近食尚懷同志侶。亭荷徑竹興猶賒。

行宮

聖主朝陵歲不違。離宮嚴譟擁旌旗。九重懸磴開丹極。雙闕涵空入翠微。日煖林花金作埒。雲依泉石玉為扉。小臣慶幸瞻天表。幾得趨陪玄鳳墀。

上陵遊祀

睿孝明禋度百王。仙輿親兆凜冠裳。橋宮香裊龍先動。鼎闕松高鳳欲翔。洞裏紅泉吹玉食。天邊紫氣擁霞觴。茂陵詞客知能賦。漢室長楊尚有光。

邵子園亭二首

古堂深樹碧流隈。小島浮春夾岫開。撲水招花雙蝶見。到門題竹幾人來。雲隨洞壑松陰合。月繞孤城野色迴。藉草



傾尊成一醉○興移重上種瓜臺○  
仙家瑤館鳳城隈○畫檻臨流曲曲開○獨鶴迎人鳴欲舞○遷  
鶯避客去還來○春心最有飛花恨○鄉思遙從列岫迴○緩步  
郊行應載酒○含杯虛望越王臺○

夜過朱子元寓宴

鳳城初霽月初臨○蘭館遙開芳樹林○自覺清風消俗慮○更  
於秋水識君心○塵中孰與金丹術○海上徒聞黃鳥音○銀漢  
乍翻星復爛○玉缸無限醉猶斟○

秋日馬上望西山口占

青山歷歷鳳城頭○霽景遙開翠欲流○老去風塵誰作伴○年  
來物候迫添愁○千門榆柳蟬聲暮○萬里關河雁影秋○越岫

吳峰虛在眼○羞將短髮獨淹留○

答友

聞君猶掩水雲扉○翠竹蒼江島嶼微○獨鶴漫憐塵影在○叢  
花却笑故情非○秋風錦瑟瑤章合○明月芳尊玉樹依○北海  
扶搖知力厚○好將勁翮入天飛○

大佛山九日

碧宇秋深山色空○喜同仙侶上鴻濛○雲來洞□侵衣白霜○  
落林間○照席紅○漫遣笙歌喧木杪○故將萸酒鬪花叢○傷心  
獨有南冠客○撲面虛愁落帽風○

七言排律

大明湖十四韻



明湖形勝鬱迢迢。寰市中分遠俗囂。北極堂空臨象緯。南  
山泉湧到江潮。荷香裊裊含波淨。柳色陰陰夾岸饒。霧隱  
形樓連蜃氣。霞明錦嶂雜鮫綃。鏡中積翠浮三島。畫裏空  
清鎖六橋。小徑穿雲曾效蔣。扁舟掛月若逢陶。雙翅白鷺  
光難滓。獨語流鶯韻欲嬌。人傑詞章傳歷下。地靈華鵲望  
層霄。好奇為訪三周蹟。懷古如聞百代韶。雲外岱宗遙控  
魯日邊。溟海却吞遼。虞皇孝澤今猶在。漢帝神仙不可招。  
梁甫孤吟悲壯士。竹溪真逸話漁樵。臨風載酒情偏洽。對  
客揮毫興欲飄。

五言絕句

再宴五泉亭

露下客坐永。月落得真境。歷歷白玉橋。散入青空影。

泉上夜坐四首

瑶齋掛松月。玉洞棲蘿雲。風送鸞凰曲。花開金碧文。  
鶴控丹山渺。龍迴碧水長。門前青玉案。檻外郁金香。  
風靜篁篔簹。轉月高翡翠。幽濯足滄浪。坐怡神碧落遊。  
玉漏催瑤閣。銀缸照綺筵。鵲歸新柳月。人醉暮春天。

沽頭官舍用壁間韻

天霽水雲靜。亭虛山月寒。啣杯聯鳳渚。吹笛坐龍湫。

西湖曲十二首

十里六橋堤。桃花映酒卮。蘭舟孤泊處。蕙檻夕陽時。  
白鷺點青蕪。翔飛乍有無。只應依水檻。高卧著潛夫。



湖○已○方○西○子○花○仍○似○六○郎○綵○撓○歌○發○處○雙○袖○拂○天○香○  
西○峯○明○積○雪○遠○澗○發○新○梅○乘○流○看○素○影○疑○向○玉○京○回○  
春○來○拾○翠○女○秋○上○採○蓮○舫○紅○顏○無○可○悟○湖○色○兩○相○憐○  
風○吹○凌○波○起○花○枝○滿○眼○經○金○蓮○含○態○處○草○色○踏○痕○青○  
路○入○三○天○竺○雲○深○九○里○松○那○知○人○世○界○清○夜○獨○聞○鐘○  
獨○坐○北○高○峯○青○青○兩○玉○童○滄○波○空○濶○處○只○見○月○輪○紅○  
水○殿○開○金○碧○山○樓○對○藕○花○沿○迴○小○溪○綠○竹○兩○三○家○  
紅○日○樓○觀○處○江○波○接○海○潮○賦○詩○人○不○見○山○寺○忽○蕭○蕭○  
幽○人○何○好○事○養○鶴○當○青○童○鶴○飛○人○並○化○亭○際○但○清○風○  
臨○水○數○椽○茅○花○枝○拂○柳○梢○呼○童○買○村○酒○菰○菜○小○山○餉○  
七言絕句

題武陵源

竹○舍○青○青○鎖○洞○霞○不○知○年○世○幾○人○家○東○風○忽○漏○春○消○息○吹○  
落○溪○邊○數○點○花○

少岳發舟遂阻惠山之興

燈○前○曾○約○惠○山○遊○移○席○題○詩○遍○石○樓○明○發○沙○邊○人○不○見○滄○  
江○何○處○繫○蘭○舟○

六言絕句

贈李生敦臨二首

白○首○相○逢○青○眼○春○光○幾○度○幽○芳○明○月○長○江○旅○夜○清○風○短○笛○

胡床

笑○底○東○風○桃○李○無○言○花○下○成○蹊○石○洞○晴○雲○白○鶴○叢○林○細○雨○



黃鸞

疏

正祈穀祀典疏  
奏為重大祀以格天心以正民志事該臣觀邸報伏奉聖  
旨朕偶感風寒暫免朝參數日祈穀禮着武定侯郭勛行  
欽此臣竊惟皇上宵衣旰食治偶感風寒致傷膚理天鑒聖  
君必益加保護旦夕就安祈穀大祀乃陛下所以祇承天  
道為民作福之盛典曠古僅見與其遣臣下亟行孰若改  
卜而親祭乎夫禮莫大於祭祭莫大於天孔子曰吾不與  
祭如不祭穀梁氏有言有司一人不備不可以祭况天子  
主祭者哉臣竊考洪武禮制開國以來各布正司府州縣

社稷山川等壇原定行禮獻官以守禦武臣為初獻文臣

為亞獻終獻洪武十四年聖祖命今後祭祀以文職長官

通行三獻禮武官不與祭著在禮制頒行天下幾二百年

矣夫古之刑官尚不使與祭而况兵加為刑之知者乎不

令兵刑官與祭以其職專刑殺有干和氣不足以達幽朔

之交是與祭猶非禮也而况可使代天子事上帝乎且郭

勛憑恃恩寵擅作威福干預朝政侵漁細民道路無不側

目今使之謁款上帝祈穀祝釐神不歆格何以獲豐年之

錫是用一倖臣而虧國家盛典也倘臣愚莠之見足以

少當聖心乞勅該部改卜吉日俟聖躬就安率陪祀諸臣

恪行薦饗禮成受慶不惟上帝昭鑒屢降豐年而民志國



體亦萬萬無失矣。臣無任激切惶懼之至。

恤農業疏

為陳愚衷。經農業以固國。本事臣聞王政之要莫先於足。民足民之道莫先於重農業。井田尚矣。三代而下。因時救。敎有勸農之政。以興民利。如漢以趙過為搜粟都尉。教民。代田。宋以陳靖為勸農使。任其募佃。二臣所行。具有可採。方今承平日久。民多逐末。或遊食為非。蕩棄產業。以致田。多污萊。賦稅無出。若不特為經理。因循歲月。將來積弊愈。甚。臣於天下不能遍舉。曩者待罪淮安。竊見沂屬海州。山。陽等十一州縣。地方二千餘里。編戶幾百八里。荒田極目。民多流冗。海州。安東。贛榆。沐陽。清河。十不耕。七。邳州。桃源。

宿遷。十不耕。五。山陽。睢寧。鹽城。十不耕。二。三。是二千里之。田不耕。過半。地利無收。賦額具在。有司派之。里甲使見耕。之民出稅。足課謂之包荒。子粒包荒。不前相效。棄去。有司。催科艱難。不得已。官為賠補。臣嘗查得本府稅課銀兩。歲。不下萬輒。與輸納。又撫按等官。年常區處。發銀賑濟。見戶。不蒙實惠。仍將那補前課。又節年以來。累承恩詔。如見戶。宜免者。有司不得已。仍復算賦。使見戶日削。而田日益荒。稅日益急。夫天生斯民。固必養以自然之利。要在君民者。使之各盡其力。以遂所養。而天下安矣。臣愚以為當今之。計。朝廷不以下蠲免之詔。有司不以為賠補之策。但興其。固有之利。俾田野之間。各振業耕。耨。則人民安堵。而自足。



矣○欲○人○民○之○安○堵○不○過○塵○陛○下○咫○尺○之○詔○遣○一○能○辦○之○官○  
循○行○阡○陌○宣○諭○百○姓○自○然○可○以○集○事○萬○戶○逃○者○若○諭○之○曰○  
逃○戶○復○業○往○逋○弗○追○新○收○歲○免○一○年○或○二○年○則○舊○戶○復○矣○  
戶○絕○者○若○諭○之○曰○絕○戶○之○田○願○者○承○佃○成○熟○之○後○但○收○熟○  
稅○不○許○生○事○告○爭○以○妨○成○業○則○新○戶○集○矣○田○荒○已○久○水○利○  
湮○塞○力○不○能○耕○者○則○官○為○設○法○或○濬○其○水○道○或○藉○以○種○器○  
或○聚○其○室○廬○以○本○府○前○項○稅○課○銀○兩○量○為○動○支○區○畫○或○召○  
募○流○民○或○安○插○罪○犯○使○之○互○相○保○察○則○浮○戶○來○矣○如○此○一○  
年○招○撫○一○年○安○輯○一○年○造○冊○繳○報○三○年○之○內○國○無○遊○民○野○  
無○曠○土○官○無○缺○征○民○無○失○業○一○即○之○內○可○以○奏○績○於○是○以○  
一○即○之○法○通○行○天○下○漸○次○收○舉○不○以○損○下○益○上○而○家○給○人○  
足○財○賦○充○物○本○固○邦○寧○王○政○之○大○者○也○伏○乞○聖○慈○不○以○農○  
業○為○細○故○臣○言○為○迂○遠○勅○下○戶○部○更○加○條○析○選○官○責○成○不○  
受○牽○掣○小○民○幸○甚○地○方○幸○甚○

築外城疏

奏為慎固根本以壯國勢以絕虜患事臣考之天文上帝  
所居曰帝座帝座所臨有紫微垣以奠極於內次有太微  
垣又次有天市垣以慎固於外然後分躔列野而天象成  
焉夫垣者城垣也天有三垣人君法天建極我太祖高皇  
帝建都南京為三城之制宸極森嚴微意具在成祖文皇  
帝初以京師為行在雖恢闢都城而聿新殿宇不暇為羅  
城之儀列聖承平因循未備我皇上純御中興握符制治



前年偶因虜警。籌畫諸事。經始斯役。繼復以人言不一。慮傷民財。詔行暫止。夫皇上以萬全之方。經營四裔之本。其利害重輕。宜不待較。而至今未決者。狃於示弱之虛名。而未究用強之實勢也。神京與虜為隣。虜常藉口。勝國志不忘。違故今日備虜之策。雖近在京畿。而堅壁清野。法當與諸邊同。若羅城既築。民皆有趨避之所。虜知入無所得。其窺伺之志。當頓然消沮矣。夫居水塹者。防潰決。依山林者。備豺虎。都邊塞。而不以城垣為事。必曰有道之守在四夷。非所以為燕翼宗社之至計也。伏乞皇上法天。屯象。繼述祖宗成畧。勅下戶兵工三部。通行看儀。不必藉民間財力。當此春和之候。即日興工。居重馭輕。一勞永逸。此在聖明。

鑒觀天下之大勢。明斷獨持。不惑盈庭之言。早定四方之極。臣下情無任激切瞻仰之至。

### 修河漕疏

奏為審河漕脩成法。以一廟謨事。恭惟皇上至人大智。天覆日臨。於生民國計。每履宵旰。而河患一事。尤為軫切。臣愚仰測聖衷。謹以河漕源委。冒塵天聽。以備廟謨。採擇之萬一。臣惟河者。黃河也。漕者。漕渠也。河者。衆流所合。難制而易潰。漕者。股引細流。有節而易止。二者分流。則各由其道。混淆則漕害矣。聞諸故老曰。引河濟漕。如借寇入室。蓋河至衝決。去則填淤。害漕為甚。國初尚書宋禮。平江伯陳瑄。理漕之績。惟導汶上諸流。建閘司運。南自徐呂。二洪。北



抵臨清。潞洩得宜。並未引河為濟。其後河決入漕。大臣徐有貞、白昂、劉大夏相繼治之。扼塞堤防。不遺餘力。蓋以此也。自泉開法弛。或因一時乾旱。徐呂之流微。乃奏引黃河十分之二。使東濟漕。因襲以為利。遂以滄為壑。至今全河入漕。不可收拾。近該都御史連鑑、曾鈞等奏為下流開淮之入海者。中流已開。洪淤并築決口。獨上流分殺之。則行河南。撫按及侍郎吳鵬勘報。臣切慮焉。夫會勘易致愆期。人情或有同異。况今旱久。將滂上流。不分中下之勢。必合而復淤。鉅費無功。天時不待。國計民生。將何所賴。子臣愚煩瀆聖明。責成工部。從中定議。若河漕二水源委。果如臣言。不妄乞。即請勅河道大臣督同地方守臣及時相度。

地勢興工開鑿。務令河流南下。以殺東漫之勢。蓋殺一分免一分之患。早一日成。一日之功。今日急務也。或曰：河復故道。洪閘不繼。奈何。元臣余闕曰：漕以汶不以汶。河水微吾以制而相之。夫古今一水也。使當事者一意泉閘成法。潞洩以時。余闕之議。宋陳之績皆可脩復。不然。六尚書劉天和引沁入漕。又加一汶。可徐圖也。或者又曰：中下沉已費工鉅萬。復興諸役。財不已誦乎。臣曰：平水土。播百穀。通貢賦。興禮義。天下之治。皆原於此。大禹聖人。且以八年為之。彼豈能不用天下財力。徒賴一身。胼胝為哉。臣愚備員該司。甘冒出位之罪。再瀆聖明。殊非得已。倘蒙天慈俯鑒。採擇施行。下情無任感戴。隕粟之至。



被劾乞休疏  
奏為權姦欺罔設計誣害懸乞天恩亟施罷黜以謝人言  
事近因撫治鄖陽都御史員缺吏部會官以臣推補隨該  
給事中朱伯辰劾臣不職不堪任使奉聖旨吏部知道欽  
此切念臣本以庸材叨任通政循常封奏或可備員撫職  
憲臣豈能堪任但通政使官朝廷之上左右將事例不推  
外先年祇有羅欽忠以奏事不稱奉旨改用南宮督糧都  
御史今吏部無故以此推臣會推諸臣皆相駭愕其日即  
有伯辰之奏臣既被論劾祇宜求退豈敢復有辯論第聖  
明之世權姦欺罔勢咲言官肆行毒噬不可漸長臣不得  
不為陛下言之臣與吏部尚書萬鏜彼前任兵部臣為通  
叅相與論事契合臣深期其大用以報朝廷及其陞任吏  
部日變初心大隳晚節以致給事中袁洪愈論劾賊跡皇  
上姑准策勵供職天高地厚之恩彼尚不知愧改臣不勝  
憤恨嘗對人言轉冀規諷謂鏜罪棄之餘蒙恩叙用不思  
實心圖報而肆行如故其初經畧湖貴急欲完事冀復二  
品不顧貽孽地方至今為梗然而人情猶諒其初心朝廷  
方冀其後效是以錄之卿貳俾自勉省比其陞轉南京尚  
書甫及三載其中隔以三品例不通算而詐冒二品六年  
考滿及其引奏復任隨改刑部吏部中間往復在途俱未  
支俸不算實歷忽於今年二月內虛報月日以二品九年  
考滿彼心實望太子太保及奉旨加太子少保不遂其望



輒對九卿各官大出怨言此朝臣所共知者特以鏜吏部  
權勢無人敢言臣不知鏜身為冢宰統率百官而自為欺  
君罔上之事如此臣一時嫉惡過甚不能謹言時對衆言  
聲鏜所為不忠之非鏜聞恨臣乃先設計擠臣而遂以伯  
辰劾疏同上蓋伯辰與鏜同即至親故臣時方推而午時  
已劾向非積謀宿構安能若此迅速朋比巧詆其跡較明  
臣亦不敢深辯但念臣以不才既經伯辰論劾若不即求  
退去萬鏜處心叵測必指使言官一疏不去再疏必至臣  
以孤危之跡豈能堪此攻害伏望皇上曲賜矜憐即將臣  
罷黜庶免後患若萬鏜欺誑一節乞勅都察院會同該科  
查明月日從實回奏庶聖明之世欺罔不容而臣以狂瞽

之言遭朋姦之害心事亦得少明矣

頌

天子萬壽頌有序

必至被劾不言則悻悻是實于  
此語見小一心事

皇上誕膺寶籙撫馭鴻圖德隆九垓仁敷八極生之類  
蠕動之物莫不頌被熙皞湛涵洪寵玄符靈契八開地張  
神明感以發機至人協而受秘魏乎隆哉非軒黃之德之  
福不足以與於斯也欽惟八月十日恭遇萬壽聖節臣祇  
奉使事督兵討夷雖捷音時獻魁黨載但遺孽未盡尚  
稽奏凱臣因勾當江南不獲偕文武臣僚萬呼舞躍於闕  
庭之下無任瞻戀臣惟成周之時淮夷未靖王命召虎平  
之釐錫寵異對揚王休作詩考成其詩曰天子萬壽說者



輒對九卿各官大出怨言此朝臣所共知者特以鏜吏部  
權勢無人敢言臣不知鏜身為冢宰統率百官而自為欺  
君罔上之事如此臣一時嫉惡過甚不能謹言時對衆言  
聲鏜所為不忠之非鏜聞恨臣乃先設計擠臣而遂以伯  
辰劾疏同上蓋伯辰與鏜同即至親故臣時方推而午時  
已劾向非積謀宿構安能若此迅速朋比巧詆其跡較明  
臣亦不敢深辯但念臣以不才既經伯辰論劾若不即求  
退去萬鏜處心叵測必指使言官一疏不去再疏必至臣  
以孤危之跡豈能堪此攻害伏望皇上曲賜矜憐即將臣  
罷黜庶免後患若萬鏜欺誑一節乞勅都察院會同該科  
查明月日從實回奏庶聖明之世欺罔不容而臣以狂瞽

之言遭朋姦之害心事亦得少明矣

頌

天子萬壽頌有序

皇上誕膺寶籙撫馭鴻圖德隆九域仁敷八極恆生之類  
蠕動之物莫不須被熙皞湛涵洪寵立符靈契八開地張  
神明感以發機至人協而受秘巍乎隆哉非軒黃之德之  
福不足以與於斯也欽惟八月十日恭遇萬壽聖節臣祇  
奉使事督兵討夷雖捷音時獻魁黨概載但遺孽未盡尚  
稽奏凱臣因勾當江南不獲偕文武臣僚嵩呼舞躍於闕  
庭之下無任瞻戀臣惟成周之時淮夷未靖王命召虎平  
之釐錫寵異對揚王休作詩考成其詩曰天子萬壽說者

既已早知請錄欺誑胡不早奏  
必至被劾亦言則悻悻是實于  
此語見小一心事



日○人○臣○受○恩○無○可○報○謝○但○祝○君○壽○考○以○頌○之○臣○功○能○媿○不  
如○虎○而○奉○命○督○討○事○與○虎○同○又○蒙○皇○上○恩○隆○賜○涇○靡○所○報  
稱○適○際○誕○期○乃○取○名○虎○所○稱○天○子○萬○壽○之○詩○為○頌○一○首○以  
獻○頌○曰○於○皇○至○聖○受○命○自○天○璇○圖○應○樞○寶○曆○符○乾○德○彌○蕩  
蕩○誠○通○玄○玄○百○神○攸○祚○萬○福○孔○駢○道○久○化○成○淪○肌○洽○髓○邁  
五○超○三○含○元○順○紀○太○上○至○人○心○涵○無○始○皇○德○斯○齊○垂○衣○而  
理○在○帝○軒○轅○光○被○八○荒○涿○鹿○除○殘○寶○鼎○呈○祥○問○道○廣○成○岵  
峒○徬○徬○祈○天○永○命○既○壽○而○康○三○十○年○來○曷○惟○其○似○我○皇○聖  
神○體○天○則○地○軫○民○之○情○同○物○之○利○宵○旰○夜○用○賈○圖○治○統  
一○華○夷○事○親○饗○帝○靡○幽○不○燭○靡○害○不○除○蠱○茲○戾○醜○猥○然○羣  
狙○震○驚○吳○越○跳○梁○東○隅○乃○戒○師○旅○乃○行○廟○謨○武○功○証○脩○文

德○是○覲○秩○祀○東○海○旬○宣○井○陌○神○人○協○和○雷○轟○電○掣○上○帝○福  
嚮○惟○明○惟○赫○帝○眷○壽○域○拱○我○北○辰○北○辰○帝○座○以○林○鈞○陳○南  
極○舒○耀○東○王○獻○珍○三○山○神○人○稽○首○稱○臣○稱○臣○紘○可○祝○我○天  
子○于○萬○斯○年○令○聞○不○已○小○臣○歌○詩○東○海○之○溟○仰○瞻○羣○神○惟  
天○子○使○表

重城工完賀表

伏○以○御○上○遊○而○肇○方○域○維○皇○家○大○一○絲○之○鴻○圖○備○曠○制○而  
順○羣○情○實○聖○代○于○萬○年○之○鼎○業○層○闔○森○回○於○帝○座○庶○民○禱  
香○以○子○來○頌○叶○康○衢○呼○呈○崧○嶽○臣○等○誠○懽○誠○忭○稽○首○頓○首  
上○言○竊○惟○山○河○千○里○皇○畿○萃○率○土○之○民○城○關○九○重○帝○邑○統



鈞○天○之○制○王○者○宅○中○而○圖○大○聖○人○酌○古○以○準○今○黃○帝○涿○鹿  
為○都○建○合○宮○而○聽○治○唐○虞○冀○方○攸○兆○致○比○屋○之○嚮○風○在○天  
文○上○應○乎○紫○微○占○王○氣○悉○鍾○於○赤○縣○太○行○藩○列○峙○鸞○鳳○而  
走○蛟○龍○渤○海○朝○宗○浴○乾○坤○而○光○日○月○雄○誇○百○二○威○振○玄○墟  
故○大○者○撻○伐○蚩○尤○而○小○則○鞭○祛○魍○魎○雖○天○與○人○歸○日○在○德  
不○在○於○陰○而○天○造○地○設○蓋○因○時○以○遣○其○人○太○祖○之○定○鼎○金  
陵○文○謨○丕○顯○成○皇○之○應○符○玉○牒○武○烈○懋○揚○並○建○而○都○超○成  
周○之○豐○鎬○俯○臨○萬○國○括○神○禹○之○山○川○植○本○固○而○發○源○深○諸  
福○穰○而○百○靈○護○重○熙○累○洽○依○輦○轂○者○生○齒○日○繁○近○悅○遠○來  
飛○梯○航○而○賓○貢○雲○集○隨○時○損○益○粵○啟○崇○壟○與○世○推○移○爰○增  
萬○堵○仰○神○京○奠○於○翼○翼○保○我○後○生○荷○天○語○戒○僭○諄○諄○經○始

勿○亟○茲○蓋○伏○遇○皇○帝○陛○下○同○仁○覆○育○至○德○淵○微○彙○列○聖○以  
中○興○久○哲○王○之○善○繼○善○述○炳○興○情○而○獨○斷○亶○元○后○之○克○類  
克○明○龜○從○筮○從○人○從○吉○凶○與○民○同○患○天○險○地○險○人○險○金○湯  
為○國○咸○休○軫○艱○食○則○給○粟○太○倉○戒○濫○征○而○蠲○金○內○帑○澤○周  
枯○骨○布○月○令○而○有○常○惠○首○窮○民○相○天○時○之○不○易○幽○明○交○贊  
遐○邇○爭○輸○重○門○條○以○洞○開○美○額○嘉○而○誕○錫○神○功○不○日○匪○云  
為○治○為○臺○帝○力○何○庸○祇○曰○耕○田○鑿○井○臣○等○幸○切○天○恩○之○尺  
五○欣○登○聖○治○以○超○三○單○舒○雨○露○以○春○沙○滌○蕩○風○塵○而○晝○淨  
伏○願○宸○猷○奠○極○祥○騰○南○極○以○交○輝○龍○德○中○天○福○屆○普○天○而  
同○壽○聲○靈○赫○濯○明○堂○鹿○垂○拱○之○容○民○物○雍○熙○清○廟○奏○舞○千  
之○曲○天○見○道○地○見○寶○懋○昭○有○象○之○昌○期○川○方○至○日○方○升○益



篤○無○疆○之○景○祐○臣○等○無○任○欣○躍○之○至○

賀皇孫生表

奏為慶賀事○伏觀邸報於本年十一月初一日該內閣傳奉聖諭○二子裕玉今日申時第一子生○此臣伏惟皇上

天保熾昌○澤延奕葉○茲者皇孫嶽降○天子萬齡○自昔稀逢○

於今快覩○臣方圖淨海之功○愈切瞻天之祝○誠惟誠忭○稽

首頓首稱賀者○伏以文謨佑啟○乾符握有道之志○皇極誕

敷○雲祚衍無疆之慶○肇本支於百世○占眉壽之當年○頌溢

華封○歡騰甲觀○恭惟皇上○德涵化育○功賁穹玄○本固源深○

亶發祥於列聖○天長地久○益垂裕於後昆○心如氣和而百

靈叶瑞德○至福至而奕世永昌○秀茁蘭枝○粹質有本於龍

種○光芬玉葉○奇葩早協於鳳占○信乎瓜瓞之綿綿○於昭烈

祖○允矣螽斯之蟄蟄○誕錫宜孫○海岳式廓○以增靈日星○咸

熙而重耀○此皆我皇上德盛善至○上通於神明○積功累仁○

冥孚於言默者也○臣每依北斗○瞻五老之遙臨○時祝南山○

羨三靈之協佑○效嵩呼而雀躍○底海晏以河清○八願寶籙

靈長○九鼎鑄軒轅之象○瑤圖鞏固○萬方來玉帛之朝○世詠

麟趾之仁風○永祝鳳苞之旭日○臣無任瞻天仰聖○欣躍歡

忭之至○



書名	五版書集		
冊數	7	版別	初
紙		年	月
日		號	2878
編者	張	編者	張

北京市圖書出版業同業公會印製



北京圖書館藏書

Handwritten text in vertical columns, appearing as bleed-through from the reverse side of the page. The characters are faint and difficult to decipher, but they seem to be organized into several columns.



